




۱۸ ايلول سنه ۱۳۳۵

۲۲ زى الحج سنه ۱۳۳۷

{ منافع عامه به خادم مجموعه اسلاميه }

احمد شیرانی

اخلاقه دشمنان انسانیتہ دشمنانقدر

امین خاکی

استر ، فحش و اسباب فحش

علی رضا

دینسزاسکات اسباب و عواملی

طاهر المولوی

بجراوده علم و علما

محمد فوزی

دو کونلرده اسراف

محمد الدین

غزل

معلم فیضی

بشریتک باشلانغی - انکشافانی



فیئات (۵) غروشدر

محل اداره : قاصح - اعتصام

۱۳۳۸

بشریتک باشلانغی - انکشافاتی

بوندن بشقه برترکب مشیمی باشلامش، یواش یواش جمعیت سیاسیه ومدنییه تأسیس ایتمشدر. معافیله انسانلرک بو بختیارانه نشانۀ تقریبی، هر هانبی بر فنالق ایله مخلوط اولمقدن ده کیری قالمادی. بونک اسبابی تخری اولندقدۀ کوریلورکۀ دین ابتدائی بر چوق نقطه لردۀ، بر طاقم ضلالت ایله متأثر اولمشدر. ضلالت مذکورۀ، آنجوق حقیقتک نا تمام و مشوش بر تظاهریدن عبارت اولقله برابر، استقبالیله کی معظم بر ادراکک یعنی جناب حق، کائناتی و بشریتی علم حقیقی ایله ادراکک رشمی ده احتوا ایدیوردی.

احتراسات؛ اخلاقیانه اجرای تأثیر ایتدی. مرض رشوت، حيله وعنف و شدتی باعث اولدی. بوتون روابط معنویه و اخلاقیه جوزولدی. ایکی پرهنسیپ آرهنسده بر رقابت حصوله کلدی: بونلردن بری؛ انسانی کندی نفسنه تخصیص ایتک و کندی هر شئیک محصله سی عد ایتکدر. دیگر پرهنسیپ ده؛ انسانی پک عمومی بر اصلدن اصی آلمه مجبور و بالنتیجه مرکز کالی اولان جناب حقّه ایصال ایدر. دنیانک دائمی مبارزه سی تأسیس ایدن شو رقابت؛ انسانلر آرهنسده کی مناسبات کسب کثافت ایتدیکه و هر درلو ترقیانک تأثیریلۀ اقتدار انسانی نشو و نما بولدقجه، بیک درلو یکی شکر تحتندۀ عرض وجود ایتدی. نوع بشرک بوصفۀ انکشافندۀ بر آز توقف ایدلم. بو صیفه، آکلاشلمسی پک زیاده حائر اهمیت اولان بر حال اساسی عرض ایدر.

بو مهظم متعارفات دینه نی ماوراسنده عقلک یوکسکره پروازی ایجاب ایدردی. بو طبق انسانک، انسان اوله بیلمی ایچون جنین حالندن کچمی کیفیتنه تماماً مشاهدرا. شو متعارفله؛ بر قدره بی امان و لایتغیر بر غایه تابع اولان حیات انسانیه اوزرینه ده ظلمتارینی عکس ایتدیردی. جهنمک تشکیلاتنه نمونه اولق اوزره کائناتک طرز ترکی تمیلکار بر صورته قبول ایدله. شو حالده هیچ بر نظریه به کوره اولموب سوق طبیی نتیجه سی ایدی. یعنی، نظریات اعتقادریله حریت بشری و بحق ایله غیر محقک تمیزی انکار ایتکسرن، انظام کائنات

یکدیگرینه تابع قوای طبیعیہ تک بر منظومہ سی کی تلقی و عینی فکر ، جمیعہ نقل و تطبیق اولمشدر . ایشہ بر صورتہ حق ؛ قوت ایله قاریشدیرلشدیر . ناقابلہ اعتراض اولان طبیعی منطق ایله ذکاوت وحدتہ و حقیقہ طوغری انجذاب و میل نامی ایشہ او نتیجہ بی وریور ، بر طاقم دهشتلی سؤ استعمالات بالناسس مظهر حسن قبولہ اولہ بیلوردی . بوندن ماعدا ، سوء استعمالدن ایکلہ بنلرله مستفید اولانلر بینندہ ، اعتقاد و افکارک عمومیشمہی ده بو بایده حائر تأثیر اولدی . بناء علیہ ، دین رضای عمومی بی سوروکلپوردی !

تضییق هر پره نفوذ ایشدی . بو حال اولا عائله ده کورولدی . زوجک یاخود قوتلی مخلوقک هوسانہ تسلیم نفس ایتیش اولان قالدین ، طلاق و تعدد ازدواجکہ چوجوق ده ، باباسنک حرکات مطلقه و کیفیه سنک تحت اضیقمنده قالدی . بایا ؛ قدرت اجتماعیه تک بر انموذجی اولدی . ملک ؛ کیت گیده قوتک حق اولدی . و قوت حاکمانہ اجرائی تضییق ایلدی . بناء علیہ ، بو حال نه در ؟ اسارتک تأسیس میدر ؟ قوته اقتدار ؛ اسیرک اطاعتی دکلکی ؟ .

وظیفه و حق حقیقی خارجنده یالکز قوانین طبیعیہ ایله شکل قطعیت اکتساب ایتیش اولان بو اطاعت مادیه ؛ آنجیق قوانین مزبورہ ایله مناسبتدار اولدیفندن ، حیواناتک انقیادی یاخود دها طوغریسی (شیء) لرك اطاعتی دیمک اولور . اوله شیرکه نه یاشار ، نه حس ایدر ! . زیرا ، حیوان صوق طبیعی ایله حرکت وقوت محضیه مقاومت ایدر . اسارت بالنتیجہ ، شخصیتک انسانی والافاسفی شامل اولدیفی کی شخصیتک کندیسندن اشتقاق ایدن هر شیء ، نکاحی عائله بی و ملکی نفی ایدر . اسیر ازدواج ایتمز . اونک اصلا زوجہ سی یوقدر . اونک بر یاخود متمدد دیشیلری واردر که افندیبنک منفعتہ چالیشیرلر . اسیرک اصلا طائلسی و چوجقملری یوقدر . اونک یاورولری واردر که کندیس کی افندیبنک مالیدر ! اسیر ذی الید اولور . افندیبنک کندیسنه تخصیص ابتدایی شیء ، مادام الحیات صرف ایدر ، فقط اصلا ملکی یوقدر . چونک ذاتاً کندی افندیبنک مملوکیدر ! . مابعدی وار

معلم فیضی